



PARLIAMENT
OF THE REPUBLIC OF SOUTH AFRICA

VA NA NA RITO

NAWUMBISI WA SWA MAAVELO YA TIMALI TA TIKO WA 2026 NA NAWUMBISI WA SWA MIKAVELO YO HLAWULEKA WA 2025/2026

SWIBUMABUMELO NA MAVONELO YA VAAKI

Komiti ya Nkarhi Hinkwawo ya swa Mikavelo yi rhamba vatekaxiave na mihlangano leyi nga na ku tsakela ku yisa swibumabumelo swa nomo na leswi tsariweke hi mayelana na Nawumbisi wa swa Maavelo ya Timali ta Tiko wa 2026 (Nawumbisi) na Nawumbisi wa swa Mikavelo yo Hlawuleka wa 2025/26 leyi andlariweke xikan'we na Mpimanyeto wa 2026/27 hi Holobywa wa Timali hi 25 Nyenyanyana 2026.

Nawu wa Endlelo ro Cinca Milawumbisi ya swa Timali na Timhaka leti Fambelanaka na tona, Nomboro ya 13 wa 2018, wu lava leswaku Palamende yi khoma tinhlangeletano to yingisela mavonelo ya vaaki na ku vika hi mayelana na Milawumbisi leyi nga emahlweni ka yona. Nawumbisi wa Maavelo ya Timali ta Tiko wu lulamisela maavelo ya timali ta tiko leti hlangeletawe etikweni hinkwaro hi ku ringana exikarhi ka swiyenge swa mfumo wa rixaka, swa xifundzankulu na swa miganga eka lembeximali leri faneleke na vutihlamuleri bya swiyenge hinkwaswo leswinharhu ku landza maavaelo walawo; na ku lulamisela timhaka leti fambelanaka na tona.

Nawumbisi wa swa Mikavelo yo Hlawuleka wa 2025/26 wu avela mitsengo ya mali eka swilaveko swa Mfumo eka lembeximali ra 2025/26; na ku lulamisela timhaka leti fambelanaka na tona.

Tinhlangeletano to yingisela mavonelo ya vaaki ti ta khomeriwa eka **Westville Community Hall ya le Durban (KZN)** hi Komiti ya Nkarhi Hinkwawo ya swa Mikavelo hi Ravumbirhi, **17 Nyenyankulu 2026 ku sukela hi 9H00 ku fikela hi 15:30**. Swirho swa vaaki swa rhambiwa eka tinhlangeletano to yingisela mavonelo ya vaaki ku endla swibumabumelo swa nomu kumbe ku rhumela swibumabumelo leswi tsariweke hi mayelana na Milawumbisi.

Swibumabumelo swi fanele swi kongomisiwa eka Vamatsalana va Komiti, Tatana Mashile Maubane, hi imeyili eka amaubane@parliament.gov.za na Tatana Denver Woodington eka dwoodington@parliament.gov.za. Swibumabumelo swi nga tlhela swi yisiwa hi voko ePalamende ya Rhiphabliki ra Afrika-Dzonga, Senthara a Vaendzi, Ground Floor, 90 Plein Street, Cape Town.

Siku ro hetelela ku endla swibumabumelo leswi tsariweke kumbe ku kombisa ku tsakela ka n'wina ku ya hlamusela hi nomo i 15:00 hi Musumbhunuku, 16 Nyenyankulu 2026.

Tikhopi ta Nawumbisi wa swa Maavelo ya Timali ta Tiko wa 2026 na Nawumbisi wa swa Mikavelo yo Hlawuleka wa 2025/26 ta kumeka eka www.treasury.gov.za kumbe www.parliament.gov.za.

Xi humesiwile hi: Dokodela MA Maimane, Xirho xa Palamende,
Mutshamaxitulu wa Komiti ya Nkarhi Hinkwawo ya swa Mikavelo (Huvo ya Rixaka).

